

Kalaallit Nunaanni aqqusinertigut angallannermut inatsisip allannguutaa pillugu inatsit

(Imigassartorsimalluni ingerlatsineq, qamuterallannik ingerlatsisut qassinik ukioqalereerimanissaannut piunasaqaatit, qitequtaasat isumannaallisaatit il.il.)

§ 1

Kalaallit Nunaanni aqqusinertigut angallannermut inatsimmi nr. 832, 18.december 1991-imeersumi makku allannguutit suliarineqarput:

1. § 5 ima oqaasertaqassaaq:

” 5. Qamut motorilik sunaluunniit, atorneqalersinnani, qamutinuut nalunaarsuiffimmut allanneqarsimassaaq nummerpladelerneqarsimassallunilu, takuulli imm. 2 aamma 6.

Imm. 2. Skatteministeri pisariaqartillugu ilaatigut nalunaarsorneqarsimanissamik piunasaqaammit tamatuminnaga atuinngitsoortitsisinnaavoq.

Imm. 3. Qamutinit motorimik ingerlatilinnit allaanerit qamutit allat motorimik ingerlateqartut, atorneqalinnginnerminni, nalunaarsorneqarnissaat nummerpladelerneqarsimanissaallu imaluunniit nalunaarsorneqarsimanermut nalunaaqutserneqarsimanissaat skatteministerip aalajangersinnaavaa, takuulli imm. 6. Assinganik atuuppoq qamutinuut qamutinit motorimik ingerlatilinnik kalinneqartussaasunut.

Imm. 4. Qamutit motorimik ingerlateqartut aqqusinernit, piffiit il.il. § 1-imi taaneqartut avataanni atorneqartut, atorneqalinnginnerminni, nalunaarsorneqarnissaat nummerpladelerneqarsimanissaallu imaluunniit nalunaarsorneqarsimanermut nalunaaqutserneqarsimanissaat skatteministerip aalajangersinnaavaa, takuulli imm. 6.

Imm. 5. Skatteministeri, takuulli imm. 6, malittarisassanik uku pillugit aalajangersaasinnaavoq

- 1) nalunaarsuineq
- 2) nummerpladet aamma
- 3) nalunaarsorneqarsimanermut nalunaaquttat.

Imm. 6. Sakkutuut qamutaat nalunaarsorneqartassapput maleruagassat forsvarsministerip aalajangersagai malillugit.”

2. § 7 ima oqaasertaqassaaq:

” § 7. Nalunaarsorneqarnermut, nummerpladenut nalunaarsorneqarsimanermullu nalunaaquttanut akiliutissat pillugit malittarisassanik skatteministeri aalajangersaasinnaavoq.

Imm. 2. Qamutinit motorilinnik misissuinerit akiliutissat pillugit malittarisassanik transportministeri aalajangersaasinnaavoq.”

3. § 8 ima oqaasertaqassaaq:

” 8. Qamutit motorillit, Kalaallit Nunaanni nalunaarsorneqarsimanngitsut, atorneqarnissaat pillugu malittarisassanik skatteministeri aalajangersaasinnaavoq. Tamatumunnga ilanngullugu qamutit taamaattut qaqugukkut Kalaallit Nunaanni nalunaarsorneqartussaataitanerannut skatteministeri aalajangiisinnaavoq.”

4. § 9-12-*imut* qulequtaq ima oqaasertaqassaaq:

”Imigassartorsimalluni ingerlatsineq il.il.”

5. § 9 ima oqaasertaqassaaq:

”§ 9. Imigassartorsimalluni ingerlatsisutut eqqartuunneqassaaq, qamummik motorimik ingerlatilimmik ingerlatsisoq imaluunniit ingerlatsiniaraluartoq ima atsigisumik imigassartoreerluni ingerlaartilluni ingerlatitsinermiluunniit kingorna, 0,50 promille sinnerlugu aava imigassamik akoqalersimasoq.

Imm. 2. Aammattaq imigassartorsimalluni ingerlatitsisutut eqqartuunneqassaaq qamummik motorimik ingerlatilimmik ingerlatsisoq imaluunniit ingerlatsiniaraluartoq ima atsigisumik imigassartorsimasoq aarlerinaatsumik ingerlatsisinnaajunnaarluni.”

6. § 16, *imm. 2 aamma 4,* ” oqattaarummik ” allanngortinneqassaaq imaalillugu: ”nakkutilliisinnaanermik”.

7. § 16, *imm. 3,* ima oqaasertaqassaaq:

”*Imm. 3.* Ingerlatsisinnaatitaassut misiligummik arsaarinnissutaanngikkallarpat piffissap politiit aalajangigaata qaangiutinnginnerani ingerlatitsisusoq nakkutilliisinnaanermut misilitsissaaq. Ingerlatsisinnaatitaassut ilaatinneqalissaaq misilitsinneq angusiffiunngippat imaluunniit pineqartoq misilitsinnermut ilaanngippat. Nakkutilliisinnaanermik misilitsinneq pissanngilaq eqqartuussaq pissutsit arsaarinninnermut pissutaasut qaangiunneranni ingerlatsisinnaanermut misilitsinnermi angusippat.”

8. § 18, *imm. 1,* ima oqaasertaqassaaq:

”Qamuteralaat ingerlanneqarsinnaapput inunnit 18-inik ukioqalereersimasunit. Politiilli akuersissutigisinnaavaat, nunalerinnermi suliaassalerinnermi imaluunniit inuussutissarsiutigalugu piniagassalerinnermi inuit 16-inik ukioqalereersimasut, qamuteralannik ingerlatsinissaat.”

9. § 18, *imm. 2,* atorunnaarsinneqarpoq.

10. § 29, *imm. 2,* atorunnaarsinneqarpoq.

Imm. 3 aamma 4 tamatuma kingorna *imm. 2*-ngorlutillu *3*-ngorput.

11. § 29-ip kingorna ilanngunneqassaaq:

“Bussit unittarfiisa eqqaanni ingerlaarneq

§ 29 a. Qamutininik ingerlaartut, unittarfimmut bussip uniffigisimasaanut qanilliarortut, bussinik ingerlatitsisoq aallarnissaminik takussutissiippat, kigaallassaaq aamma

pisariaqassappat unissaaq, taamaalilluni bussi unittarfimminngaanniit ingerlasinnaaniassammat. Bussinilli ingerlatsisoq ulorianartorsiornissamik pinngitsuuniarnissamut mianersorluinnarnissaminik pisussaaffiigaangilaq.”

12. § 32-imi imm. 6-itut 7-itullu, ilanngunneqassaaq:

“Imm. 6. Qamutininik ingerlaartut saamimmut sangussanngillat, aatsaat taamaaliorsinnaapput, aqquernup illuatungaanniit aggersunut ajoqutaasinnaajunnaarunik. Qamutininik ingerlaartoq, sikkilertunut knallertinillu ingerlatsisunut siumuinnaq ingerlaartunut, talerpimmut sangunermini ajoqutaasannigilaq. Aqqusinermit atatillugu sikkilerfissamik aqqusiortoqarsimappat, sammivinnut marluusunut ingerlaarnissaq akuerisaasimasumi (sikkilerfissaq marlunnik sammivilik), qamutininik ingerlaartut saamimmut sangussanngillat, aatsaat taamaaliorsinnaapput, sikkilertunut knallertinillu ingerlatsisunut siumuinnaq ingerlaartunut, ajoqutaasinnaajunnaarunik. Assinganik atuuppoq talerpimmut sangunermini sikkilertunut knallertinillu ingerlatsisunut aqquernup illuatungaanniit aggersunut. Malittarisassat assingi atuupput aqqusernit paarlaaffiginngisaanni ingerlaarfimmiit ikaarluni imaluunniit qimagulluni ingerlaarnermi.

Imm. 7. Qamutininik ingerlaartut, aqqusernit paarlaaffiannut qanilliarortut imaluunniit appakaattut, ima ingerlassapput, aqquernit paarlaaffiini angallannermit pisariaqanngitsumik ajoqutaalissanatik, pineqartoq paarlaaffimmi unittariaqalissagaluarpas. Paarlaaffimmi angallanneq kalerrisaarusiinikkut killilersorneqarsimappat, qamutininik ingerlaartoq, kalerrisaarutip qullia qorsuugaluarpalluunniit, paarlaaffimmut appakaatissannigilaq, pineqartup piffimmi angallannermi pissutsit pissutigalugit paasiguniuk, paarlaaffik qimanneqarsinnaanngitsoq, angallattunut sangusussanut kalerrisaarutip qorsunngunnginnerani.”

13. § 32-ip kingorna ilanngunneqassaaq:

“ Pisuinnarnut pisussaaffiit

§ 32a. Qamutininik ingerlaartut, pisuinnarnik naapitsisut imaluunniit saneqqutsisut, pisuinnaq sanimut illuarnissaanik piffissalissavaat pisuinnarlu aqqusinermini pisariaqartitaanik inissaqartissallugu.

Imm. 2. Qamutininik ingerlaartut, pisuinnarnut aqquutissiamik imaluunniit pisuinnartunut aqquutissiamik aqqusaarisut, imaluunniit aamma qamutininik angallammik pigisap aqquernup sinaaniittup anillakaaffianiit aqqusinermit ingerlaarfimmut ingerlatsisut, pisuinnarnut unillutik utaqqeqaassapput. Assinga atuuppoq aqqusinermit pisuinnartarfimmut anillaanniarnermi imaluunniit napillugu qamutininik ingerlaniarnermi.

Imm. 3. Aqqusikkut pisuinnartarfikkut qamutininik ingerlaarnermi qamutininik ingerlaartut pisuinnarnut misissueqqissaartariaqarput soqutigittaqqissaarlutillu.

Imm. 4. Bussit unittarfiini sikkilertunut aqqusiat killinganiittuni, piffimmi taakkununga immikkut sananeqarsimasumut, ilaasunik ikisitsiffigeqqusaanngitsumi imaluunniit niutitsiffigeqqusaanngitsumi, sikkilertunut aqqusiakkut ingerlaartut ilaasunut ikilersunut imaluunniit niulersunut tunuarsimaassapput imaluunniit pisariaqassappat unissapput.

Imm. 5. Qamutininik ingerlaartut aqquernit paarlaaffiini sangunermini, pisuinnarnut, aqqusinermik qamutininik ingerlaarnermi ingerlaqqiffiqeqartussamik sanioqqutsisunut ulorianartorsiortitsissanngillat. Assinganik atuuppoq aqquernup paarlaaffiisa avataanni qamutininik ingerlaarfimminngaanniit aqqusineq napillugu ingerlanermi imaluunniit qimagunnermi.

Imm. 6. Pisuinnarnut ikaarfissiani piffinni, angallanneq politiinit imaluunniit atortunik kalerrisaarutinit killilersuiffiqarsimasuni, qamutininik ingerlaartoq

, naak kalerrisaarut imaluunniit politiit malillugit pisuinnarnut ikaarfissiakkut ingerlasinnaagaluarluni, pisuinnarnut, ingerlaarfik napillugu ingerlalerlutik ikaarfissiamiittunut, utaqqeqaassaaq. Pisuinnarnut ikaarfissiaq taamaattoq aqquernit paarlaaffianiippat, qamutininik ingerlaartoq, sangunermi kingorna ikaarfissiakkoortussaasoq, kigaatsumik naleqquttumik sukkassuseqarluni ingerlaassaaq pisariaqartillugulu unissalluni pisuinnaat, pisuinnaat ikaarfissiaanniittut imaluunniit tassunga anillaatilersut, ingerlateqqaarniarlugit.

Imm. 7. Qamutininik ingerlaartut, pisuinnaat ikaarfissiaannut killilersuiffiqeqanngitsumut qanillartortut, sukkassusertik ima naleqqussarsimassavaat, pisuinnarnut ikaarfissiamiittunut imaluunniit tassunga avalalersunut, ulorianartoqalersitsissanatik imaluunniit ajoqutaalissanatik. Qamutininik ingerlaartoq pisariaqartillugu unissaaq pisuinnaat ingerlateqqaarniarlugit.

Imm. 8. Qamutininik ingerlaartut pinngitsoorniarsarissavaat qamutit pisuinnarnut ikaarfissiami unitsinnissaat. “

14. § 33-ip kingorna ilanngunneqassaaq:

“§ 33 a. Sikkilertunut aqquissiamut, pisuinnartunut aqquissiamut imaluunnit pisuinnarnut aqquissiamut unittoqassanngilaq imaluunniit inissiisoqassanngilaq. Assinganik atuuppoq aqquernup qeqqanut ivigalimmut, aqquernup qeqqani pisuinnarnut unillatsiarfissianut assipajaavinullu. Qamutinullu angallatinut, tamakkerlutik oqimaassuserisassaannut akuerisaasoq 3,5 t qaangersimanngippasuk § 23, imm.2, naapertorlugu allatut aalajangiisoqarsimanngippat, unitsinneqarsinnaapput imaluunniit inissinneqarsinnaapput qamutip ilaa pisuinnarnut aqquissiamiitillugu, tamanna pisuinnarnut aqquissiami angallannermut ulorianaataassanngippat imaluunniit ajoqutaassanngippat. 1.pkt atuutinngilaq sikkilinit imaluunniit knallertinut marlunnik assakaasulinnut.

Imm. 2. Unittoqassanngilaq imaluunniit inissiisoqassanngilaq

- 1) pisuinnarnut ikaarfissiami imaluunniit sikkilertunut aqquissiap anillaaffiani imaluunniit pisuinnarnut ikaarfissiap sioraani 5 m-isut isorartutigisumi imaluunniit anillaaffissiami,
- 2) aqquernit paarlaaffiini imaluunniit illuatungaani aggersut ingerlaarfianit imaluunniit sikkilertunut aqquissiap sinarsuanit qaninnermit 10 m-isut isorartutigisup iluani,
- 3) ingerlaartut sianigisassaannik takussutissiaq imaluunniit kalerrisaarut assersimalerlugu,
- 4) aqqusineq qulaallugu ikaartarfimmi imaluunniit sulluliami,
- 5) qattorngup qaani eqqaaniluunniit imaluunniit aqqusinermi killinganiluunniit sannguia tamaat isigineqarsinnaanngitsumi,
- 6) aqqusinermi, ingerlaarfia aqquerngit paarlaaffiisa siorngat titarnernik qamutit ingerlaffissaannut agguarneqarsimasumi, imaluunniit aqquernup taamaattup tikinnissaanut 5 m-itut isortartugisoq sioqqullugu,
- 7) titarnernik nalunaaqutsersorneqarsimasup sinaani, qamutininik angallatip titarnerullu akornanni ungasissuseq 3 m-init naanneruppat aamma qamutininik angallatip titarnerullu akornanni titarnermik toorniusalinnik soqanngippat, imaluunniit
- 8) qamutininut attartorneqartartunut uniffissiatut nalunaaqutsersorneqarsimasumi.

Imm. 3. Bussit unittarfiini unittarfiuneranut nalunaaquttap sinaani piffimmi illuttut nalunaaqutsersorneqarsimasumi uninneq imaluunniit inissiineq inerteqqutaavoq.

Nalunaaqutsersuutininik taamaattunik peqanngippat unittarfiuneranut nalunaaquttap sinaani illuttut 12 m-itut isortutigisumut inerteqqut atuuppoq.

Imm. 4. Inisseeqqusaanngilaq

- 1) pigisamiit aqqusinnermut anillaattarfimmi isertarfimmilu imaluunniit aamma imaalillugu, pigisamiit aqqusinnermut anillaanneq isernerlu ajornakusoortilerlugu,
- 2) ingerlaarfiup saneraani qamutininik angallatit uninngasut sanianni, ilanngunnagit sikkilit marlunnik assakaasullit, knallertit marlunnik assakaasullit imaluunniit motorcykelit saneraminni qamutitaqanngitsut, imaluunniit
- 3) imaalitillugu, qamutininut angallatinut allanut iserneq ajornartilerlugu, imaluunniit tamanna tassani piffimmiit ajornartilerlugu.

§ 33 b. §§ 33 aamma 33 a atuutinngilaq qamutininik ingerlatinut, aqqusinnermi suliaqarnermut atorneqartunut, suliamut tunngatillugu uninnessaq imaluunniit inissiinissaq pisariaqalersimappat aamma isummaallisaanermut atortunik pisariaqartunik iliuseqartoqarsimappat. Assinganik atuuppoq uninneq imaluunniit inissiineq, politiinit, annaasiniarnermut piareersimasunit imaluunniit annaasiniartartunit suliaappat.

§ 33 c. Justitsministerip aalajangersinnaavaa, qamutininik angallatinik inissiineq, inissiisarfirmiinnissaq piffissap tungaatigut killiligaasumi, taamaallaat parkeringsskivep atorneratigut pisinnaanera. Parkeringsskive taassumalu atorneqarnissaa pillugu justitsministeri aalajangersakkanik aalajangiissaaq.

Aqqusinnermi sulisoqarneranik nalunaaqutsersuineq

§ 33 d. Aqqusinnermi sulisoqartillugu, suliamik ingerlatsisoq akisussaasuvoq, sulisoqartillugu illersorneqarsinnaasumik naluqaaqutsersuuteqartuarnissaanut.”

15. § 36-imi imm. 1-ip kingorna nutaatut ilanngunneqassaaq:

“Imm. 2. Piffissami qulliit ikinneqarfissaasa avataanni qamutininik ingerlaarnermi qulliit qanittumoorutit (kort lys) qamutininik motorimik ingerlatilinnit atorneqassapput. Atortunik motorilinnik ingerlassinnermi taanna taamaallaat atuuppoq, atortoq motorilik qanittumoorutininik qullernik pilersorneqarsimappat. Qullernut qanittumoorutininut taarsiullugit pujortumi qulliit imaluunniit ingerlaarnermi qulliit immikkut ittut atorneqarsinnaapput.”

Tamatuma kingorna imm. 2 imm. 3-ngorpoq.

16. § 39-ip kingorna ilanngunneqassaaq:

“Qitequtaasat isumannaallisaatit

§ 39 a. Biilimi, motorcykelimi imaluunniit knallertimi issiaffissaq qitequtaasanik isumannaallisaatinik atortulernerqarsimappat, taakku ingerlaarnerup nalaanni inummit issiaffissamik atuisumit atorneqassapput, takuulli imm. 2 aamma 3.

Imm. 2. Meeqqat pingasut inorlugit ukiullit qitequtaasanut isumannaallisaatinut taarsiullugu meeqqamat issiavimmiissapput imaluunniit isumannaallisaanermut atortumi akuerisaasumi allami meeqqap angissusaanut oqimaassusaanullu naleqqussarneqarsimasumi. Meeqqat, pingasunik ukioqalereernikut, sulili 7-inik ukioqalersimanngitsut, qitequtaasanut isumannaallisaatinut taarsiullugu meeqqamat issiavimmiissapput imaluunniit isumannaallisaanermut atortumi akuerisaasumi allami meeqqap angissusaanut oqimaassusaanullu naleqqussarneqarsimasumi. Qitequtaasanik isumannaallisaatilernermi ingiffissiaq (selepude) qitequtaasallu isumannaallisaatit akuleriisillugit atorneqarsinnaapput.

Imm. 3. Qitequtaasanik isumannaallisaatinik atuinissamut pisussaataaneq atuutinngilaq kingumorsornermi imaluunniit ingerlaarnermi biilinit uninngaffissatut inissiisarfimmi, kiffartuusivimmi, biilileriffeqarfimmi imaluunniit pissutsit assingusut iluanni.

Imm. 4. Ingerlatsisup nakkutigissavaa, ilaasut 15-inik ukioqalersimangitsut, isummannaallisaanermi atortut imm. 1-3-miittut aammalu tamanna pillugu imm. 5 naapertorlugu malittarisassat aalajangersarneqarnikut malillugit atorneraat.

Imm. 5. Justitsministeri malittarisassanik aalajangersaasinnaavoq

- 1) meeqqanut pingasut ataallugit ukiulinnut isumannaallisaanermi atortut qanoq atorneqarnissaanut pillugu,
- 2) isummannaallisaanermi atortoqarnissamik inuit aalajangersimasut pisussaaffimmit atuinngitsoorsinnaatitaaneratt pillugu,
- 3) ingerlaarnermi immikkut ittuni isummannaallisaanermi atortoqarnissamik pisussaaffimmit atuinngitsoorsinnaatitaaneq, aamma
- 4) imm. 4-mi taaneqartumit bussinik ingerlatitsisup tamakkiisumik imaluunniit ilaannakortumik pisussaaffimmit atuinngitsoorsinnaatitaanera, aammalu, tassunga taarsiullugu suut iliuuserineqarnissaat pillugu.”

17. § 40, imm. 1, ima oqaasertaqassaaq:

“Motorcykelinik, qamuterallannik imaluunniit knallertinik aquttoq aammalu kinaluunniit motorcykelinut imaluunniit qamuterallannut ilaasoq, 15-inik ukioqalereersimasooq, ingerlaarnerup nalaani aalajangersorsimasumik niaquarnaveeqquteqassaaq.”

18. § 40-mi imm. 1-ip kingorna nutaatut ilanngunneqassaaq:

“*Imm. 2.* Qitequtaasalli isummannaallisaatit atornissaanut pisussaaffeqarfimmi niaquarnaveeqqummik atuisoqassanngilaq.”

Imm. 2-4 tamatuma kingorna 3-5-inngussapput.

19. § 40, imm. 2-mi imm. 3-ngortumi, “12-inik ukioqalereersimasut” allanngortinneqassaaq “5-inik ukioqalereersimasut”.

20. § 40-ip kingorna ilanngunneqassaaq:

“Oqarasuaatinik angallattakkanik attaveqarnermullu atortunik allanik atuineq

§ 40 a. Qamutinik angallatinik ingerlatsisut ingerlaarnermik nalaanni oqarasuaatinik angallattakkanik tigummiarneqartunik atueqqusaanngillat.

Imm. 2. Attaveqarnermut atortunik atortunillu assingusunik ingerlaarnerup nalaani atuineq pillugu malittarisassanik ersarinnerusunik justitsiministeri transportministerimik isumaqatiginninniareernermi kingorna aalajangersaasinnaavoq.”

21. § 47 atorunnaarpoq.

22. § 48- mi “§§ 44-47 “ allanngortinneqassaaq: “§§ 44-46”.

23. § 49, imm. 1, ima oqaasertaqassaaq:

“Qamutini angallatinu motorinik ingerlatilinnit piliarineqartumik ajoqusernerit akilerneqassapput sillimmasiisarfimmi akisussaassuseqarnermut sillimmasiutinit, Kalaallit Nunaanni sillimmasiisarfeqarnissamut inatsisit malillugit ingerlatsisunit. Sillimmasiisarfii, Kalaallit Nunaanni qamutinu angallatinu motorinik ingerlatilinnut akisussaassuseqarnermut sillimmasiisartut, Dansk Forening for International Motorkøretøjsforsikringimut (DFIM) ilaasortaassapput. DFIM-imut akiliiffissani akiliisarnissamut piimasaqaatit justitsministerimit aalajangersarneqassapput. Sillimmasiisarfii, qamutini angallatinu motorimik ingerlatilinnut nalunaarsorneqartussaataasunut akisussaarnermik sillimmasiineramik Kalaallit Nunaanni ingerlataqarusuttu, aammattaaq tamanna Kalaallit Nunaanni Politimesterimut nalunaarutigissavaat.”

24. § 51, imm.1-imi “naaammasineqarnissaa pillugu”-p kingorna ilanngunneqassaaq: “, tassunga ilaalluni sillimmasiisarfii pillaasoqarnissamik aaqiinermut illugiillutik pisussaaffimmut ilaanissamut akuunissaat, akisussaassuseqarnermut sillimmasiisarfik taarsiisuteqarnissaminu pisussaaffimminik ulloq akiliisussaataaffimminik eqquutitsinngikkaluarpat akisussaarnermik sillimmasiinerit inatsisitigut pisussaaffiusut naapertorlugit”.

25. § 55-ip kingorna kapitalitut nutaatut ilanngunneqassaaq:

“Kapitali 5 a

Uninnermut aamma inissiisarfinnut akitsuutit

§ 55 a. Justitsministerip aalajangersinnaavaa, kommunalbestyrelsip akitsuummik akiliisussanngortitsisinnaanera unioqutitsinernu

- 1) §§ 33 a, imm. 1, sikkilertunuu aqutissianuu, pisuinnartunuu aqutissianuu, aqquusernup (akiamuu) qeqqanuu ivigaaralimmut aamma pisuinnarnuu unillatsiarfinnu uninnernu imaluunniit inissiinernu tunngasunuu aammalu qamutit angallatit tamakkerlugit pisuinnaat aqquusernanuu uninnernu imaluunniit inissiinernu,
- 2) § 33 a, imm. 2, nr. 1, 2, 4, 6, 7 aamma 8, aamma imm. 3,
- 3) § 33, imm. 4, nr. 1, pigisamuu isertarfimmut pigisamiillu anillakaattarfimmut inissiinernu tunngasunuu, aamma nr. 2,
- 4) uninnermut imaluunniit inissiinermu inerteqqutaasuni, nalunaaqutsiinikkut nalunaarneqarsimasunuu,
- 5) uninnermut imaluunniit inissiinermu inerteqqutaasuni, § 23 malillugu aalajangerneqarsimasunuu, inerteqqummik nalunaaqutsiisoqarsimanngikkaluarpalluunniit, aamma
- 6) uninnermut imaluunniit inissiineq pillugit aalajangersakkat allat, § 23 imaluunniit § 33 c naapertorlugit aalajangerneqarsimasuu.

Imm. 2. Akitsuummik akiliisussanngortitaaneq allaffisornermi oqartussanuu qulliunerusuniittunuu ingerlateqqinneqarsinnaanngilaq aamma pisortaarfii sullisiviini suliat ingerlanneqartarnerat pillugu inatsisartuu inatsisaanni § 19-imi ilaannngilaq. Akitsuummik akiliut kommunip nakkutilliinermik ingerlatsiviusimasup pissavaa.

Imm. 3. Akitsuut allakkatigut nalunaarutigalugu akiligassanngortinneqassaaq, qamutini angallatinu inissinneqarluni imaluunniit aquttuanuu tunniunneqarluni.

Imm. 4. Akitsuummik akiliisussaavoq, pissusissamisuumngitsumik unissimasoq imaluunniit inissiisimasoq. Akitsuut ullormi akiliinissamuu killiuliunneqarsimasumi sulii

akilerneqarsimangippat, piginnittoq (atuisoq) aamma akiliisussaataitaassaaq, ingerlatsisup piginnaassuseqartitaanani qamutininik angallatinik atuisimanera uppersarneqanngippat. Akitsuummik akiliisussanngortitsinerit pillugit aalajangiinerit kalaallit oqartussaasuisa aalajangigaanik pinngitsaaliinikkut naammassinnittussanngortitaasarneq pillugu kalaallit eqqartuussisarnermut inatsisaanni malittarisassat malillugit naammassineqarsinnaapput.

Imm. 5. Akitsuummik akiliutissaq annertussuseqarpoq 510 kr.

Imm. 6. Justitsministeri kommunip inissiinermut nakkutilliinermik ingerlatsinera pillugu malittarisassanik ersarinnerusunik aalajangersaasinnaavoq.”

26. § 56, imm. 1, ima oqaasertaqassaaq:

“§ 3, § 5, imm. 1, §§ 9-11, § 13, imm. 1 aamma 2, § 16, imm. 5, § 17, § 18, imm. 1, 1.pkt., §§ 19 aamma 20, § 22, § 23, imm. 1, § 24, imm. 1, 2 aamma 4, § 25, § 26, imm. 1-4, §§ 27-32 a, § 33, imm. 1, § 33 a, § 33 d, §§ 34-39, § 39 a, imm. 1, imm. 2, 1.pkt., aamma imm. 4, § 40, imm. 1 aamma 3, § 40 a, imm. 1, § 41, § 42 aamma § 49, imm. 1, 1., 2. aamma 4.pkt, aamma imm. 2-mik unioqquitsineq imaluunniit inerteqqumik imaluunniit inassummik malinninnginneq inatsit naapertorlugu Kalaallit Nunaanni pinerluttulerinermut inatsit malillugu pineqaatissiinermik malitseqartinneqarsinnaavoq. Assinganik atuuppoq angallammik motorimik ingerlatilimmik ingerlaarnermut, taakkununga ingerlatsisinnaanermut allagartaqarnissaq piumasaqaataappat, taama ittumik angallammik ingerlatsisinnaanermut imaluunniit ingerlatsisinnaanngornissamut piginnaatitaaneq pineqartumit piumasaqaatitaqanngitsumik arsaarinnissutigineqarsimappat.”

27. § 56-imi imm. 3-tut ilanngunneqassaaq:

Imm. 3. Unioqquitsineq piliarineqarsimappat aktieselskabimit, anpartselskabimit, andelselskabimit imaluunniit assipajaavanit, ingerlatsivik akiliinissamut akisussaasunngortitaasinnaavoq.”

28. § 56-ip kingorna ilanngunneqassaaq:

“§ 56 a. Inatsimmik matuminnga unioqquitsinermut aamma malittarisassanik unioqquitsinermut akiliisitsissutit, inatsit naapertorlugu atulersinneqarsimasut, aningaasannorlugit naatsorsorneqassapput 500 kr-mik agguarneqarsinnaasunngorlugit, takuulli imm. 2.

Imm. 2. Inunnut isertitakitsunut akiliisitsissut naatsorsorneqarsinnaavoq aningaasanut 500 kr-mik agguarneqarsinnaanngitsunut. Akiliisitsissutilli taamaattut aalajangerneqarsinnaanngillat 300 kr ataallugu annertussuseqalersillugit.

Imm. 3. Inuit arlaat iliuuseqarnermigut ataasiarluni imaluunniit arlaleriarluni inatsimmik matuminnga imaluunniit taanna naapertorlugu malittarisassanik aalajangersarneqarsimasunik unioqquitsisimappat, aamma unioqquitsinerit pillammik akiliisitsinermik malitseqartinneqarpata, unioqquitsinerit tamaasa katinnerisigut akiliisitsissut naatsorsorneqassaaq. Inuit arlaat ataasiarluni imaluunniit arlaleriarluni inatsimmik matuminnga imaluunniit malittarisassanik inatsit taanna naapertorlugu pilersinneqarsimasunik aamma inatsisini allani ataaseq arlallilluunniit iliuuseqarnermigut unioqquitsisimasoq, aamma unioqquitsinerit akiliisitaanissamik eqqartuunneqarnermik kinguneqarsimappata, inatsimmik matuminnga imaluunniit malittarisassanik inatsit taanna naapertorlugu pilersinneqarsimasunik unioqquitsinerit tamarmik katinneqassapput aamma akiligassaq inatsisini allani ataaseq arlallilluunniit unioqquittissimanerannut.

Imm. 4. Inuit arlaat iliuuseqarnermigut ataasiarluni imaluunniit arlaleriarluni inatsimmik matuminnga imaluunniit taanna naapertorlugu malittarisassanik aalajangersarneqarsimasunik unioqquitsisimappat, aamma unioqquitsisimanerit arlaat ataaseq akiliisitaanermik allaanerusumik pineqaatissiinermik kinguneqartinneqarsimappat, alla akiliisitaanermik eqqartuunneqarnermik

kinguneqartinneqarsimasoq, pineqaatissiisutaasup allaanerusup saniatigut eqqartuussivik akiliisitsinissamik eqqartuussissaaq. Assinganik atuuppoq, inuit arlaata iliuseqarnermigut ataasiarluni imaluunniit arlaleriarluni inatsimmik matuminnga imaluunniit taanna naapertorlugu malittarisassanik aalajangersarneqarsimasunik aamma inatsisini allani ataaseq arlallilluunniit unioqqutippagit, aamma inatsimmik matuminnga imaluunniit taanna naapertorlugu malittarisassanik aalajangersarneqarsimasunik unioqqutitsinerit akiliisitaanermik kinguneqartinneqarpata, aamma taassuminnga imaluunniit inatsisinik allanik unioqqutitsineq akiliisitaanerunngitsunik allaanerusunik pineqaatissiinermik kinguneqartinneqarsimappat.

Imm. 5. Imm. 3-mi aamma 4-mi aalajangersakkat atunngitsoortinneqarsinnaapput, peqqutit immikkut ittut tamaaliornissamik pisariaqatitsissappata.”

- 29.** § 57-imi, *imm.1 aamma 3*, “imigassartorsimalluni qamutitik ingerlaarsimaneq imaluunniit promillep annertussusissaanut killissarititaasoq sinnersimallugu imersimalluni qamutitik ingerlaarsimaneq” allanngortinneqassaaq “imigassartorsimalluni qamutitik ingerlaarsimaneq imaluunniit § 59, imm. 1, nr. 2, malillugu sukkassuserisassamut akuerisaasimasut pillugit aalajangersakkanik unioqqutitsineq”.

- 30.** §§ 59 aamma 60 ima oqaasertaqassapput:

“Misiligutaasumik arsaarinninngikkallarnek

§ 59. Ingerlatsisinnaanermut allagartamik piumasaqaateqarfiusumik qamummik motorimik ingerlatilimmik ingerlatsisoq, taamaattumik qamummumik ingerlatsinissaminut misiligutaasumik arsaarneqanngikkallassaaq

- 1) ingerlatsisoq angallanermi isumannaatsuunissaq eqqarsaatigalugu iliussissanik pingaarutilinnik sumiginnaanermigut inummik pigisamilluunniit ajoqusiippat imaluunniit ajoqusiinissamik ulorianartorsiortitsippat,
- 2) ingerlatsisoq § 29, imm. 2 aamma 3, naapertorlugit sukkassuserisassamik aalajangersakkanik 60 %-imit annerusumik qaangiisimappat,
- 3) ingerlatsisoq § 60, imm. 1, nr. 1-imi ilanngunneqanngitsuni, imigassartorsimalluni ingerlatsisimappat, imaluunniit
- 4) arsaarinninnek pissutissaqartinneqarpata sumiginnaaneq sumi piliarineqarsimasimanersoq aammalu unnerluutigineqartup qamutitik motorilinnik ingerlatsisutut pissusii allat ilisimaneqalersut.

Imm. 2. Misiligutaasumik arsaarinninngikkallarnek pissuteqartinneqassaaq, eqqartuussaananerminngaanniit ukiunik pingasunik sivilissusilimmik pineqartup qamutitik motorimik ingerlatilinnik ingerlatsinnginneranik, pissutsini imaattuni ingerlatsisinnaatitaanermut t pineqartoq arsaarneqartariaqalerluni. Misiligutaasumik arsaarinninngikkallarnermi piffissap arsaarinninnissap sivilissusissaata aalajangerneqarnissaa kinguartikkallarnekassaaq.

Imm. 3. Eqqartuunneqartoq piffissami misiligaaffigisamini ingerlatitsisuusinnaatitaaneranik arsaarinnissutaasussamik iliuseqaqqippat taava eqqartuussivik aalajangiissaaq iliuserisaa tamanna siusinnerusukkullu inatsisinik unioqqutitsisimasutut eqqartuunneqarsimanagera ataatsimoortillugit ingerlatitsisinnaatitaaneranik arsaarinnissutigineqassasut.

Pinnitsoorani arsaarinninnek

§ 60. Ingerlatsisinnaanermut allagartamik piunasaqaateqarfiusumik qamummik motorimik ingerlatilimmik ingerlatsisoq, taamaattumik qamummumik ingerlatsinissaminut pinngitsoorani arsaarneqassaaq, ingerlatsisoq

- 1) pisuutinneqarpat imigassartorsimalluni ingerlaarsimasutut aammini imigassaq promillep annertussusissaatut killissarititaq 1,20 ingerlaarnermi nalaani kingornalu qaangersimappagu,
- 2) piaaraluni inummik imaluunniit pigisamik ajoqusiippat, piaaraluni tamatuminnga uloriarnartorsiortitsilersimappat imaluunniit aamma qamummik angallammik motorimik ingerlatilimmik immikkut soqutigittaatumik pissuseqarluni ingerlatsisimappat,
- 3) pissutsini arlalinni pisuutinneqarsimappat, tamarmik immikkut § 1, nr. 1-3-mi pineqartut,
- 4) siusinnerusukkut ingerlatsisinnaatitaanerminik misiligummik arsaarneqanngikkallarsimasooq piliarisaalu kingulleq piffissami misiliiffimmi piliarineqarluni imaluunniit
- 5) siusinnerusukkut ingerlatsisinnaatitaanerminik pinngitsoorani arsaarneqarnikuusimappat piliarisaalu kingulleq arsaarneqarnermiit ukiut tallimat suli qaangiutinngitsut piliarineqarluni.

Imm. 2. Sallaallsaataasinnaasumik immikkut pisoqartillugu misiligutaasumik arsaarinninngikkallarnek atortinneqarsinnaavoq, imm. 1 malillugu pinngitsoorani arsaarinninneq atortinneqartussaagaluartoq.

Imm. 3. Pinngitsoorani arsaarinninneq pisassaaq piffissanut sivilussusilimmi qaammatit 6-it ukiullu qulit akornanni sivilussusilimmut imaluunniit killeqartitaanngitsumik atuuttussamik.”

31. §§ 61-63 atorunnaarput.

32. § 66-imi 1.pkt.-ip kingorna ilanngunneqassaaq:

“Apeqquut, eqqartuussivimmut suliameq eqqartuusseqqaaarsimasumut suliassanngortinneqassaaq, imaluunniit eqqartuussiveqarfimmi, eqqartuussap najugaqarfiani imaluunniit sumiiffigisaani.”

33. § 67-ip kingorna ilanngunneqassaaq:

“Kapitali 7 a

Arsaarinnissuteqarneq

§ 67 a. Matuminnga inatsimmik peqqarniitsumik imaluunniit arleriarluni unioqqutitsinermi, unioqqutitsinermi ingerlatsisinnaanermut allagartaqarnissamik piunasaqaateqarfiusunik qamutinik motorimik ingerlatilimmik atorineqartunik, arsaarinnittoqarsinnaavoq, tamanna suli inatsimmik unioqqutitseqqinnissamut pinaveersaartitsinissaq eqqarsaatigalugu pisariaqartutut isigineqarpat. Pissutsini assigisaani qamutinik motorimik ingerlatilinnik ingerlatsisinnaanermut allagartaqarnissamik piunasaqaateqarfiusunik, arsaarinnittoqarsinnaavoq, unioqqutitsilluni iliuuseqartumit pigineqartunik, naak qamutinik angallatit taakku unioqqutitsinermi atorineqanngikkaluartut.

Imm. 2. Arsaarinnittoqarsinnaavoq, qamutinik angallatinik piginnittoq aammini promille killissarititaasoq 1,20 sinnerlugu imigassartaqarluni ingerlaarsimasutut pisuutinneqarpat, ingerlatsisinnaatitaanermut pinngitsoorani arsaarneqarnermik kinguneqartumik, aamma pineqartoq siusinnerusukkut marloriarluni, ukiut 3-t kingulliit ingerlaneranni nutaamik iliuuseqaaqqinnginnermi siorna promille aammi killissarititaasoq 1,20 sinnerlugu imigassartorsimalluni ingerlaarsimasutut pisuutinneqarsimappat, ingerlatsisinnaanermut allagartamik pinngitsoorani arsaagaasimaneramik kinguneqarsimasumik.

Imm. 3. Imm. 2 malillugu arsaarinninneq pissaaq, naak qamutini angallatit taakku unioqquitsinermi pisumi atorneqanngikkaluartut.

Imm. 4. Imm. 2-mi aalajangersagaq atunngitsoortinneqarsinnaavoq, peqqutit immikkut ittut taamaaliornissaq pisariaqartippassuk.

Imm. 5. Aammali arsaarinnissuteqarneq pillugu malittarisassat Kalaallit Nunaanni pinerluttulerinermut inatsimmiipput.

Kapitali 7 b

Killilersuutit allannguuteqqarnerini pineqaatissiinerit il.il.

§ 67 b. Sukkassuserisassarititaasunik unioqquitsinermi pineqaatissiinerit aamma ingerlatsisinnaatitaanermut arsaarinninnerit pillugit apeqquut, takuuk § 29, piffissami piliarinniffiusumi malittarisassat atuuttut malillugit aalajangerneqartassapput.”

34. § 71-ip kingorna ilanngunneqassaaq:

§ 71 a. Matumani inatsimmi kapitalit 1-4-mi malittarisassaannit politiit inuit innarluutillit immikkut pisariaqartitaannut immikkut ittumik akuersissuteqarsinnaapput, tamanna angallanneq isummannaatsuunissaq eqqarsatigalugu illersorneqarsinnaappat.”

35. § 72 ima oqaasertaqassaaq:

“**§ 72.** Transportministerip Færdselstyrelsi, styrelsi alla Transportministeriap ataani pilersinneqarsimasoq imaluunniit sullissivik assingusoq, matumani inatsimmi transportministerimiitinneqartunik pisinnaatitsissutunik suliaqarnissaannut piginnaatitsissutilersinnaavaa.

Imm. 2. Aalajangiinernut naammagittaalliorsinnaanermut periarfissat pillugit malittarisassanik transportministeri aalajangersaasinnaavoq, imm. 1 malillugu piginnaatitsissut naapertorlugu aalajangerneqarsimasunik, tassunga ilaalluni aalajangiinerit ministerimut ingerlateqqinneqarsinnaannginnissaat.”

36. § 72-ip kingorna ilanngunneqassaaq:

“**§ 72 a.** Justitsministerip politiit pisinnaatitsissutunik suliaqarnissaannut piginnaatitsissutilersinnaavai, matumani inatsimmi justitsministerimiitinneqartunik.

Imm. 2. Imm.1 malillugu piginnaatitsissut aalajangerneqarsimasoq naapertorlugu, aalajangiinernut naammagittaalliorsinnaanermut periarfissat pillugit malittarisassanik justitsministeri aalajangersaasinnaavoq, tassunga ilaalluni aalajangiinerit ministerimut ingerlateqqinneqarsinnaannginnissaat.

§ 72 b. Skatteministerip, matumani inatsimmi skatteministerimiitinneqartunik pisinnaatitsissutunik politiit suliaqarnissaannut piginnaatitsissutilersinnaavai.

Imm. 2. Politiit imm. 1-imi taaneqartut pisinnaatitaanernik aqutsinerat pillugu naammagittaalliorsinnaanermut periarfissat pillugit malittarisassanik skatteministeri aalajangersaasinnaavoq, tassunga ilaalluni naammagittaalliornerit Landsskatterettenimut pisarnissaat. Skatteministeri, politiit aqutsinerannut naammagittaalliuutit allaffissornikkut aalajangiiffigineqarsinnaannginnerat pillugu malittarisassanik aalajangersaasinnaavoq.”

§ 2

Imm. 1. Inatsit atuutilerpoq ulloq 1.oktober 2008, takuulli imm. 2.

Imm. 2. Inatsisip § 1-iani, nr. 9-p atuutilernissaanut piffissaq justitsministerip aalajangissavaa.

Tunniunneqarput Christiansborg Slot-imi ulloq 17.juni 2008

Kunngiussutsitsinnik Atsiorpugut naqissusiillutalu

MARGRETHE R.

/Lene Espersen